

Saksframlegg**Forskrift om vedtekter for kommunal skulefritidsordning, Hyllestad kommune****KOMMUNEDIREKTØREN SITT FRAMLEGG TIL VEDTAK:**

Forskrift om vedtekter for skulefritidsordninga i Hyllestad er fastsett av kommunestyret i Hyllestad den 23.10.2025 med heimel i lov av 9.juni 2023 nr. 30 om grunnskulen og den vidaregåande opplæringa (opplæringslova) § 4-5.

Framlegg til vedtekter for kommunal skulefritidsordning, Hyllestad**§1. Verkeområde**

Forskrifta gjeld for den kommunale skulefritidsordninga (SFO) i Hyllestad kommune for elevar på 1. - 4. årstrinn, og for elevar med særskilt behov på 1. -7.- trinn, jamfør opplæringslova § 4-5 med forskrifter.

§2 Formål og innhald

Hyllestad kommune skal ha eit tilbod om skulefritidsordning før og etter skuletid for elevar på 1.-4. årstrinn og for elevar på 1. -7. årstrinn med særskild behov, jf. opplæringslova § 4-5.

Innhald og aktivitet skal utformast i samsvar med rammeplanen for SFO. Det skal leggst til rette for leik, kulturaktivitetar, fysisk aktivitet, friluftsliv og sosial læring med utgangspunkt i barnet sin alder, funksjonsnivå, og interesser. Barna skal ha reell medverknad på eigen kvardag innanfor rammene til SFO. SFO skal gje barna omsorg og tilsyn (opplæringslova § 4-5).

Opplæringslova sitt krav om eleven sin rett til eit godt fysisk, psykisk og sosialt miljø gjeld også for SFO (opplæringslova kap. 12). Skulen sitt ordensreglement gjeld og for elevar i skulefritidsordninga.

§ 3 Eigartilhøve

Hyllestad kommune står som eigar av den kommunale skulefritidsordninga.

§ 4 Søknad, opptak og endring eller oppseling av plass**§ 4.1. Søknadsfrist**

Søknadsfrist for hovudopptaket er 15.mars.

Ein søker elektronisk gjennom det skuleadministrative systemet. Lenkje finn ein på heimesida til Hyllestad kommune.

For barn i 5.-7.klasse med særskilde behov, må ein i tillegg til søknad legge fram sakkunnig vurdering.

§ 4.2. Opptaksmynde

Rektor ved Hyllestad skule er opptaksmynde. Myndet kan delegerast til leiar av SFO.

§ 4.3. Opptaksperiode

Tildelt plass gjeld frå det tidspunktet som står oppført i tildelingsbrevet.

Tilbodet gjeld til det blir meldt endring eller plassen blir sagt opp. Tilbodet blir automatisk avslutta ved slutten av 4.klasse.

§ 4.4. Opptakskriterium

Alle barn i 1. -4. klasse og barn med særskilde behov i 1.-7. klasse som søker SFO – tilbod innan fristen skal få tilbod om plass i skulefritidsordninga.

§ 4.5. Opptak utanom hovudopptak

Dersom det er ledig kapasitet, kan ein søkje om opptak utanom ordinært opptak. Ein søker elektronisk.

§ 4.6. Endring og oppseiing av plass i skulefritidsordninga

Foreldre/føresette kan seie opp eller endre tilbodet til barnet elektronisk i det skuleadministrative systemet.

Oppseiingsfristen er gjensidig og gjeld 1 måned frå den datoen ein seier opp plassen. Det må betalast for oppseiingsmånaden, og plassen kan nyttast i oppseiingsmånaden.

Ved byte til eit mindre tilbod gjeld og oppseiingsfristen på ein måned. Ved byte til eit større tilbod kan endring gjelde straks dersom det er ledig kapasitet.

Kommunen kan seie opp plassen ved misleghald av betaling.

§ 4.6. Klage på opptak

Avslag på, eller innvilga av plass i SFO er eit enkeltvedtak etter forvaltningslova § 2 og kan klagast på etter reglane i forvaltningslova kapittel VI. Klagen må vere skriftleg og sendast til kommunen.

§ 5. Foreldrebetaling

§ 5.1. Fastsetjing av satsar

Betalingssatsane vert fastsette årleg av kommunestyret. Satsane vert publiserte på kommunen si heimeside.

Kostpengar kjem i tillegg til ordinær SFO – pris.

§ 5-2. Moderasjonsordningar for skulefritidsordninga

Redusert foreldrebetaling:

For føresette med låg inntekt er det redusert foreldrebetaling for elevar i 1. -4.klasse. Betalinga skal ikkje overskride 6 % av samla personal- og kapitalinntekt.

12 timars gratis SFO:

Alle 1.-3.klasse elevar får tilbod om 12 timar i veka gratis opphald på i SFO.

Søskenmoderasjon:

Når familien har fleire born i skulefritidsordninga, vert satsen redusert med 30% for barn nummer 2, og frå barn nummer 3 eller fleire er reduksjonen på 50%.

Gratis SFO for elevar med særskilde behov på 5. til 7. trinn: Kommunen skal gje tilbod om gratis skulefritidsordning for elevar med særlege behov på 5. til 7. trinn. Kommunen kan krevje betaling for

kost (sjå forskrift om grunnskoleopplæringa, § 2-3)

§ 5-3: For sein henting

Ved for sein henting vert føresette fakturert i tråd med satsane fastsett av kommunestyret.

§ 6. Leike- og opphaldsareal

SFO areala inne og ute skal vere tilpassa aktiviteten. Skulefritidsordninga har eigen base i kjellaren på Hyllestad skule. SFO disponerer elles uteområdet i tilknytning til skulen, og nyttar hallen og andre spesialrom når det er formålstenleg.

§ 7. Dagleg opphaldstid og årleg opningstid

§ 7.1. Dagleg opphaldstid

SFO si opningstid er frå 07.00-08.45, og frå 14.30-16.00 på skuledagar.

§ 7.2. Årleg opphaldstid

Skulefritidsordninga følgjer skuleruta, og er open 190 elevdagar.

§ 7.3. SFO tilbod skuleferiar

Kommunen er ikkje forplikta til å gje tilbod om SFO i feriane, men ved behov kan ein ha slikt tilbod. Dette tilbodet krev minst fem påmelde barn kvar dag. Det må søkjast særskild om tilbod i skuleferiar. Påmeldingsskjema vert sendt ut gjennom VFS. Det er eigne betalingssatsar for SFO tilbod i skuleferiar. Påmelding til tilbodet er bindande.

§ 8. Personale og leiling

Rektor har det administrative, faglege, pedagogiske og økonomiske ansvaret for SFO. Deler av ansvaret kan delegerast til SFO – leiar.

Personalet i skulefritidsordninga er tilsette på Hyllestad skule. Bemanninga skal vere forsvareleg. Det skal til vanleg vere ei grunnbemanning på 1 vaksen pr. 15 barn.

Alle som arbeidar og oppheld seg i skulefritidsordninga skal leggje fram tilfredsstillande politiattest jf. opplæringslova § 17-11.

Alle tilsette i SFO har teieplikt etter forvaltningslova § 13.

Personalet på SFO har samarbeids- og opplysningsplikt til barnevernstenesta etter opplæringslova §§ 24-1, 24-2 og 24-3.

Kommunen skal syte for at barna får ein trygg og god overgang frå barnehagen til skulen og skulefritidsordninga jf. opplæringslova 4-7.

§ 9. Skyss

Skulefritidsordninga er eit frivillig tilbod før og etter skuletid, og elevar i SFO har ordinært ikkje rett til skuleskyss. Opplæringslova § 4-1 gjev unntak for elevar med nedsett funksjonsevne, skade eller sjukdom. Retten omfattar ikkje skyss i skuleferiane.

§ 10. Endring

Endringar i forskrifta skjer ved vedtak i kommunestyret.

Kommunedirektøren har mynde til å vedta endringar i forskrifta når det følgjer av krav i lov eller nasjonal forskrift.

§ 11. Iverksetjing

Forskrifta trer i kraft frå vedtaksdato.